



Broj: 11-37-9493-2/18
Zenica, 22.08.2018. godine

Na osnovu člana 70. Zakona o pravima, obavezama i odgovornostima pacijenta („Službene novine Federacije Bosne i Hercegovine“, broj: 40/10) i člana 7. Pravilnika o zdravstvenom savjetu Ministarstva zdravstva Zeničko-dobojskog kantona („Službene novine Zeničko-dobojskog kantona“, broj: 9/18), Ministar zdravstva Zeničko-dobojskog kantona o b j a v l j u j e

JAVNI POZIV

za izbor i imenovanje Zdravstvenog savjeta Ministarstva zdravstva Zeničko-dobojskog kantona

I

Zdravstveni savjet je savjetodavno tijelo Ministarstva zdravstva Zeničko-dobojskog kantona koje prati provođenje ostvarivanja i unapređenja prava pacijenata, a u okviru prava i obaveza za područje Zeničko-dobojskog kantona.

II

Zdravstveni savjet obavlja sljedeće poslove:

- prati provedbu ostvarivanja prava pacijenata saglasno Zakonu o pravima, obavezama i odgovornostima pacijenata,
- prati provedbu obrazovnih aktivnosti u vezi sa pravima pacijenata,
- raspravlja o izvještajima zdravstvenih savjeta općina/grada,
- daje mišljenja, preporuke i prijedloge nadležnim organima o utvrđenom stanju na području djelokruga rada zdravstvenih savjeta općina/grada,
- predlaže preduzimanje mjera za izgradnju cjelovitog sistema zaštite i unapređenja prava pacijenata u Kantonu odnosno Federaciji,
- daje inicijative za donošenje propisa kojima se unapređuju prava pacijenta, te mišljenje na propise iz ove oblasti koje pripremaju nadležni organi vlasti na svim nivoima,
- sarađuje sa organima i organizacijama iz oblasti zaštite i unapređenja prava pacijenata u Federaciji,
- podnosi ministru Ministarstva zdravstva godišnji izvještaj o radu,
- obavještava javnost o povredama prava pacijenata,
- obavlja i druge poslove koje mu dodjeli ministar zdravstva, u skladu sa Zakonom o pravima, obavezama i odgovornostima pacijenata i propisima donesenim na osnovu tog Zakona.

III

Zdravstveni savjet ima osam (8) članova, koji se biraju iz reda istaknutih stručnjaka, sa dokazanim moralnim i etičkim kvalitetima, u oblasti medicinskih, pravnih, ekonomskih, obrazovnih nauka, stručnjaka iz oblasti ljudskih resursa, etike i bioetike.

Zdravstveni savjet se sastoji od predstavnika:

1. Ministarstva zdravstva,
2. Ljekarske komore Zeničko-dobojskog kantona,
3. Farmaceutске komore Zeničko-dobojskog kantona,
4. Udruženja mladih,
5. Udruženja za zaštitu prava pacijenata,
6. Stručnih udruženja iz oblasti zdravstva,
7. Sindikata zdravstvenih ustanova, odnosno privatnih praksi,
8. Crvenog krsta/križa Kantona.

IV

Zdravstveni savjet imenuje i razrješava Ministar zdravstva Zeničko-dobojskog kantona.

Mandat članova Zdravstvenog savjeta traje 4 (četiri) godine.

Prilikom imenovanja članova Zdravstvenog savjeta poštovat će se princip održavanja ravnopravne zastupljenosti oba spola.

V

Prijedlog članova za Zdravstveni savjet, Ministarstvu zdravstva dostavljaju udruženja i nevladine organizacije iz tačke III ovog Javnog poziva, koje su najmanje 5 godina upisane u registar na kantonalnom nivou, nezavisni strukovni sinikat radnika zaposlenih u zdravstvu Kantona i nezavisni strukovni sinikat doktora medicine i stomatologije Kantona, komore iz oblasti zdravstva i crveni križ/krst Kantona, u roku od 15 dana od dana objavljivanja javnog poziva.

VI

Kandidat za člana Zdravstvenog savjeta treba da ispunjava sljedeće uvjete:

1. da je punoljetni državljanin Bosne i Hercegovine,
2. da ima prijavljeno prebivalište na području Zeničko-dobojskog kantona,
3. da ima minimalno tri godine radnog iskustva u oblasti u kojoj djeluje i
4. da uživa ugled i ima evidentne rezultate rada u oblasti u kojoj djeluje.

VII

Prijava treba da sadrži kraću biografiju kandidata, adresu i kontakt telefon kandidata te dokaze o ispunjavanju uvjeta:

1. Uvjerenje o državljanstvu,
2. Dokaz o prebivalištu izdat od nadležnog organa,
3. Dokaz da ima minimalno tri godine iskustva u oblasti u kojoj se kandidira,
4. Dokaz o rezultatima rada u oblasti u kojoj se kandidira.

VIII

Ministar zdravstva će imenovati Komisiju za provođenje javnog poziva koja će na osnovu prispjelih prijava sačiniti listu kandidata za Zdravstveni savjet Zeničko-dobojskog kantona.

Nakon provedene procedure, Ministar zdravstva će rješenjem imenovati Zdravstveni savjet Ministarstva zdravstva Zeničko-dobojskog kantona, na period od 4 (četiri) godine.

IX

Prijave sa traženim dokumentima u skladu sa tačkom V Javnog poziva, dostavljaju se lično ili poštom na adresu Zeničko-dobojski kanton – Ministarstvo zdravstva, Kučukovići 2, 72000 Zenica, sa naznakom: **„PRIJAVA NA JAVNI POZIV ZA IZBOR I IMENOVANJE ČLANOVA ZDRAVSTVENOG SAVJETA MINISTARSTVA ZDRAVSTVA ZENIČKO-DOBOJSKOG KANTONA – NE OTVARATI“**.

Javni poziv će biti objavljen na službenoj internet stranici Vlade Zeničko-dobojskog kantona **www.zdk.ba** i Ministarstva zdravstva **www.min.zdravstvo.zdk.ba** i dnevnom listu „Dnevni avaz“.

Javni poziv ostaje otvoren 15 dana od dana njegovog objavljivanja u dnevnom listu „Dnevni avaz“.

Neblagovremene prijave neće se razmatrati i biti će vraćene podnosiocu prijave u neotvorenoj koverti.

Dodatne informacije se mogu dobiti na broj telefona **032/460-830**.

MINISTAR

dr Dragoljub Brenjo

